



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ**

ՎԱՐՉԱԿԱՆ ԱԿՏ N 1509282

**ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ**

06 օգոստոսի 2020թ.

ք. Երևան
(կազմման վայրը)

Ակտի հասցեատեր

«ԲԱՆԴԻՎԱՆ ԿԱԹ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	5	8	0	7	3	5	3
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

ք. Երևան, Բազրատունյանց փող. 52. 3

(անհատ ձեռնարկատիրոջ հաշվառման հասցեն կամ իրավաբանական անձի գրանցվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 02.07.2020թ-ի թիվ 1509282 որոշման համաձայն «Բանդիվան Կաթ» ՍՊԸ-ի նկատմամբ իրականացված օպերատիվ-հետախուզական միջոցառումների աղյուսքում պարզվել է, որ 08.07.2020թ-ին ժամը 09:30-ի սահմաններում Ընկերության վարորդ Գևորգ Գեղամյանը «Օպել կոմբո» մակնիշի 658 PP 63 համարանիշի ավտոմեքենայով գ.Նոր Խարբերդ 1, 12, 7 հասցեում գործող Ա/Ձ Մանվել Պետրոսյանին է (ՀՎՀՀ 45128615) մատակարարել 3.3կգ. չանախ տեսակի պանիր (մեկ կիլոգրամի արժեքը 2.100 ՀՀ դրամ):

Իրականացված օպերատիվ-հետախուզական միջոցառումների շրջանակներում հետազոտության ենթարկվեց նաև հիշյալ ավտոմեքենան, ինչի արդյունքում պարզվեց, որ ավտոմեքենայի բեռնախցիկում առկա է ընդհանուր 205.725 ՀՀ դրամ արժողությամբ Ընկերության կողմից արտադրված կաթնամթերք:

ՀՀ ՊԵԿ տեղեկատվական համակարգի ուսումնասիրությամբ պարզվել է, որ ընդհանուր 205.725 ՀՀ դրամ արժողությամբ ապրանքների տեղափոխման և 6.930 ՀՀ դրամ արժողությամբ ապրանքների մատակարարման համար Ընկերության կողմից 08.07.2020թ-ին ժամը 09:30-ի դրությամբ դուրս չեն գրվել համապատասխան հաշվարկային փաստաթղթեր:

Վերոգրյալը հաստատվել է Ընկերության վարորդ Գևորգ Գեղամյանի կողմից 08.07.2020թ-ին տրված գրավոր հայտարարությամբ:

Թիվ 1509282 արձանագրությամբ 08.07.2020թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել վարչական վարույթին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, «Բանդիվան Կաթ» ՍՊԸ-ի կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով և ՀՀ կառավարության 05.10.2017թ. թիվ 1257-Ն որոշման վերը նշված դրույթները:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 2-րդ կետի «բ» ենթակետի, համաձայն որի՝ «Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման կամ ապրանքների հետագծելիության ապահովման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի կամ առանց ապրանքների հետագծելիությունն ապահովող էլեկտրոնային սարքի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ սույն մասի 1-ին կետում նշված խախտումն արձանագրվելուց հետո՝ խախտման երրորդ և ավելի փաստ արձանագրվելու դեպքում գանձվում է տուգանք՝ անփաստաթուղթ ապրանքների գնի (արժեքի) 200 տոկոսի չափով, բայց ոչ պակաս մեկ միլիոն դրամից:

Տվյալ դեպքում «Բանդիվան Կաթ» ՍՊԸ-ի կողմից խախտումը վերջին 1 տարվա ընթացքում կատարվում է երրորդ անգամ (ՀՀ ՊԵԿ ԻՎ 28.10.2019թ-ի թիվ 1506306 և 16.01.2020թ-ի թիվ 1507466 վարչական ակտեր): Ապրանքների ընդհանուր գումարը կազմել է 212.655 ՀՀ դրամ, որի 200 տոկոսը կազմում է 425.310 ՀՀ դրամ, ուստի օրենսդրական պահանջից ելնելով «Բանդիվան Կաթ» ՍՊԸ-ի նկատմամբ կիրառելի է 1.000.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և «Բանդիվան Կաթ» ՍՊԸ-ին գանձման առաջադրել 1.000.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածի 1-ին մասի 2-րդ կետով սահմանված տուգանք ընդամենը, որից՝	1.000.000	պետական բյուջե	900008000490


2. Ընդունել ի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը

Կ.Տ.



ստորագրությունը

Ստացա ակտի մեկ օրինակը

ընդամենը 3 էջ

տնօրեն Էդիկ Ներսիսյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պարասխանադրու անձ՝ հատուկ առաքման դեպքում)

ստորագրությունը

„_____”

2020թ.